



Ocvlvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. V. Quomodo & cur hæc apparentia tantu[m] in obscuratis locis fiat?

[urn:nbn:de:hbz:466:1-71258](#)

ipsum obiectum visibile, colores nimurum reales per species refle-
xè visos, & post chartā refractè, ut id aliqua ratione probetur, ve-
niendum est, ad dubitationēm tertiam, & ostendendum

Quomodo hoc experimentum fiat; ex eo enim cognito,
modus fortassis aliquis inuenietur, quo ostendatur in hoc casu
rem ipsam, non speciem cerni.

DV BIV M III.

QVOMODO HOC PHÆNOME-
non fiat: quare in locis obscuris tantum
apparet cur valuis apertis vi-
deri desinat.

CAPUT V.

Fundamentum primum. Omnis radius à puncto rei vi-
sibilis egressus fertur in directum, ideoq; vocatur linea
radiosa. Et probatur hoc fundamentum varijs rationibus &
experimentis, & ex ipso hoc nostro phænomeno: propterea enim
totum visibile euertitur, quia radij omnes sese vel ante scramen,
vel in ipso, vel proximè post illud intersecant; quod non fieret si
lineæ in directum non ferrentur, nam si refringerentur aut recur-
uarentur ad latus in partem è qua ab obiecto egrediuntur, non fie-
ret intersectio, qua sublata tolleretur euersio. Ex euersione igitur
directè probatur lineas radiales ab obiecto recta procedere, Quod
est fundamentum.

Fundamentum alterum. Omne punctum rei visibi-
lis radiat in integrum hemisphærium radijs infinitis,
imo sphærā perfectam conficit, si liberè in aëre æque
disposito pendeat, cuius sphæræ ipsum sit centrū, &c.
Et hoc etiam ex ipso hoc phænomeno probatur. Alias enim per
plura foramina eadem domus non transiret siue in diuersas siue in
eadem chartę partes.

Funda-

Fundamentum tertium: Omnis radius in corpus quodcunque ita impactus, ut ulterius progrederi nequeat, reuerberatur ab eodem in omnem diaphani prioris partem, ita ut radij reflexi ex unico incidentia puncto, etiam hemisphaerium ex natura sua constituant. Probatur hoc ex ipso itidem huius phænomeni experientia. Siue enim dicamus ipsum obiectum reflexè videri, siue species in charta terminatas, semper fateri cogimur, à quolibet imaginis puncto radios in hæmisphaerium prorogari, eo quod ex omni hemisphaerij, imo sphæræ circumiectæ puncto, idem videatur, utique per radios ab eodem puncto in oculum emissos, &c.

Dices, constare hoc de radijs post sectionem incidentibus; non autem probari, de ijs, qui ante reflexionem senon secant, sed post illam primum. Respondetur. Si decussati radij tam potentes sunt, ut hoc valeant, amplius poterunt hoc directi, qui sunt illis validiores. Neque obstat quod illi qui reuertuntur ad angulum incidentia inæqualem, nullo sensu percipiuntur: ex hoc enim non sequitur non reuerti: sed tantum sequitur illos non sentiri. Sicut certum est speculi alicuius plani, aut aquæ totam superficiem à Sole illustrari, & tamen tota illustrata nequaquam animaduertitur ab oculo: nisi successiue in omnes radios reflexos ipse concurrat. Imo hoc multo magis probatur in visilibus quibuscumque: nam paries v. g. visus non videtur nisi per species ab ipso dimissas in oculum, cum quibus speciebus lucem etiam solarem reflexam à muro simul ferri non est dubium: Sicut igitur de luce hac philosophamur, ita de luce & speciebus simul immisis concludemus.

Dicendum ergo 1. Lucem una cum coloratorum species, & has una cum luce ferri, vnumque ab altero infici quodammodo, & visionem secundum illud præcipue fieri, quod præ dominum tenet, &c. Patet experientia. Nam lux colorem vitri secum defert in parietem obiectum, &c. Et consentiunt Alhazen. 2. passim. Vitellio. l. 3. frequenter. & reliqui communiter tam Medici, quam Physici atque Optici, veteres, noui, &c.

Dicendum 2. Eversionem specierum ideo contingere, & sentiri quod foramen paruitate sua radiorum reliquorum sese non

non decussantium traiectionem excludat, cum enim quodlibet punctum visibile hemisphaerium radijs suis occupet, patet plures ex illo non transire, quam quot foraminis capacitas permittat. Vnde cum obiectum foramine multo sit maius, patet radios in ipso necessario esse intersecandos, alias totum obiectum lineis re-ctis transire non posset. hinc fit, ut illud post intersectionem euer-sum in chartam veniat: hinc fit ut quo amplius chartam à foramine aniores, tanto maius & maius appareat obiectum: hic etiā accidit, ut maius foramen, ceteris paribus, illud idem in maiore quantitate transmittat: hinc etiam fit, ut si nimis magnum fiat fo-ramen, vel nihil vel confusum videatur obiectum: causa est du-plex, quia nimis multi radij sese non secantes simul transeunt, & quia nimia lux species euer-sas obfuscat, sed de his plura suis locis ex instituto.

Dicendum 3. Omnes species euer-sas, quæ obscuratis ha-bitaculis, in chartam per foramen immisæ videntur, in eandem chartam etiam allabi aperta valua, diruto habitaculo. Probatur ratione & experientia. Ratione, quia quodlibet punctum rei vi-sibilis emitit radiosum hemisphaerij actiuitate constitutum, mittit vnum radius; & cum hoc præstent singula rei visibilis puncta, conuenient illa in punto dato quo quis, & post illud se intersecabunt, si-tumq; euersum acquirent. &c. experientia. Alias oculus in tale punctum medij deductus obiectam rem non videret, quod est falsum. Et sol hoc manifestat. Nam siue in luce, siue in tenebris illum per tubum in chattam, deducas semper euersum conspicies in chara: idem ergo radij qui in tenebris, allabuntur etiam in lu-ce, &c.

Dicendum 4. In luce res reflexè visas ad angulos inciden-tiæ & reflexionis æquales tantum videri ideo; quod reliqui radij reflexi omnes sint debiliores radijs incidentiæ aut qui sunt reflexi ad angulos æquales incidentiæ: hinc fit ut hi reliquos omnes ob-ſcurent, ut per illos videri nil omnino queat, &c.

Dicendum 5. Vel speciem immisam, vel obiectum per speciem in charta (ubilocus obscurus est,) videri eo, quod tam

lux, quam species directæ vehementiores à circumstantibus partibus sint exclusæ; hinc sit ut in eadem chartæ parte conspiciat oculus rem eandem, loco quoque, per radios reflexos ad angulos incidentijs minimè æquales. Caussa est, quia minor lux, & debilior species munus suum exercet, in oculo, quando maior excluditur, ut hic sit, Signum huius est manifestum, quod quando quis easdem species loco obtenebrato receptas in speculū admittit, iam propter lœuorem speculi difficillimè vider, videt tamen, id quod in charta notauit. Caussa est, quia lux lœuorem nocta vehementius resilit, oculum plus occupat, ideoq; reliqua debiliora obfuscat, &c. Quod si quis contendat etiam hic visionem fieri per angulos incidentijs æquales, eo quod ob chartæ scabriem semper radius incidens in eodem quasi sensibili punto inueniat superficies aliter aliterque inclinatas: quæ sine dubio radios reflectant sicut acceperunt incidentes, & sic defendi posse, etiā hoc phænomenon spectari per radios reflexos ad angulos æquales angulis incidentiæ, &c. cum tali ego homine non multum pugnauerim, pro quo etiam militat murus & omnia ferme directe visa, ab ijs enim certū est lucem reflecti, & reflexam probabile videri ad angulos æquales angulis incidentiæ, &c. Rationem tamen tentent dare qui ita opinantur, cur in speculo tersissimo, phænomenon hoc, licet valde tenuitur appareat? Nunquid enim dicent, specula exquisitissimè polita, etiam in æquali aut aspera superficie prædicta esse? quod si hoc non dicant, quomodo lucem & species ab ijs reflectent, ad angulos æquales angulis incidentiæ

Et sic dupli modo defendi potest obiectum reflexè visum: vel ad angulos incidentiæ æquales, iuxta datam explicationem, quæ mihi tamen non admodum arridet; vel in æquales, quod valet propter obscuritatem loci.

D V B I V M . I V .
Q V I D E X H O C P H O E N O M E -
no addiscamus.

C A P U T VI

I. Disci-